

Buohkaidrievttit-plakáhtta

Geasa: Vuolle- ja badjeskuvla	Gos: Siste
Meahccepássa ossodat: Buohkaidrievttit (ovd. juohkeolbmoriekti)	Goas: Buot jagiáiggiin
Oahppanmihttomearit: Oahpásmuvvat buohkaidrivttiide	Dárbašat: Liibma, skierat, peannat, kartonja, boares bláđit
Bistin: Sulaid 45 min	Olmmošresurssat: 1

RÁVVAGAT

- Juoge juohkehaš oahppái/párrii ovttá buohkaidriekti. Guđege oahppi bargun lea čállit báhpárii (omd. A5-sturrosaš) sidjiide mearriduvvon "rievtti". Dán manjá báhpára hervet áššáigullevaččat. Materiálan sáhtta ávkkástallat ovdamearkka dihtii bláđiin čuhppojuvvon govaid/čállosiid dahje molssaevttolaččat sárgut ieš.
- Go buohkaid báhpárat leat hervejuvvon, dain dahket čoakkáldaga luohká seaidnái. Loahpas ságastallat buohkaidrivttiin ja ovdamearkka dihtii das, mii ávki rivttiin lea.

DUOGÁŠ

Buohkaidrievttit ledje ovdal juohkeolbmorievttit. Buohkaidrievttit leat davviriikalaš earenoamášvuohhta. Daid olis gii beare sáhtta lihkadit meahcis fuolatkeahtta das, gii eatnama oamasta. Buohkaidrievttit eai mávsse maidege ja guoskkahit buohkaid Suomas orron olbmuid. Buohkaidrivttiin doaimman ii goittotge oaččo dagahit stuorát go uhcánaš hehttehusa lundui.



Buohkaidrivttiin oaččot

- lihkadit vácci, čuoigga ja sihkkeliin luonddus, dego vuvddiin, luondduniittuin ja čázádagain
- riidet
- orodit ja idjadit gaskaboddasaččat guovlluin, main lihkadeapmi lea maiddá lobálaš
- čoaggit luonddumurjjiid, guobbariid ja šattuid mat eai leat ráfáidahtton
- oaggut ja bilket (virggálaččat nuvttá guolástanrievttit)
- johtit fatnasiin, vuojadit ja basadit čázádagas ja johtit jieŋa alde

Buohkaidrivttiin it oaččo

- hehttet eananoamasteaddji eanageavaheami
- johtit šilljoeatnamiin, gilvineatnamiin dahje gilvojuvvon bealdduin
- njeaidit dahje vahágahttit šaddi muoraid
- váldit goikan dahje gahččan muora
- váldit sámmála dahje jeahkála
- cahkkehit rabas dola nuppi eatnamii
- hehttet ruovtturáfi ovdamearkka dihtii gohttemiin menddo lahka ássandáluid dahje ruodjamiin
- ludnet birrasa
- vuodjit mohtorfievrruin meahcis
- hehttet dahje vahágahttit lottiid besiid ja čivggaid
- hehttet ealliid
- guolástit ja meahcástit áššáigullevaž lobiid haga
- luoitit beatnaga almmolaš vuojadangáddái, mánáid stoahkanbáikin várrejuvvon báikái, divvojuvvon láhtui dahje valáštallangieddái
- diktit beatnaga leat luovus čoahkkebáikkis, lihkanbálgáin dahje nuppi eatnamis
- diktit beatnaga leat luovus 1.3.–19.8. gaskasaš áigge oba iežas eatnamisge

